

الكلام

نادية كرومي

2019

الإهداء

اهدي هذه القصائد إلي كافة أفراد عائلتي وخاصة أمي التي شجعتني كثيرا علي المضي قدما في مسيرتي الأدبية ، والي كل أصدقائي وكل أساتذتي في كلية الآداب واللغات والي كل من دعموني ولو بالقليل .

الكلام

الكلام

سال السكوت تحكي
وأنا سكوتي ديما يبكي
ولي في القلب ديما مخبي
والمخبي ما يعلم به غير ربي
من برا بيان يضحك فرحان
ومن الداخل ما عرفان
الراس من الرجلين
ذا هو الانسان
قالو ناس زمان
ولي بيات سهران
واش يقول في هذا الحال
حزين ولا فرحان
سقسبيه تعرف
ويلا شفتو ساكت
ذاك هو البيان
الدنيا دروس
والسكوت لغة كل انسان
فقير ولا غاني كان
محترف ولا فنان
الحديث قياس
والصمت ما ينقاس
وكيما يقولو قاع الناس
لي في الراس خليه
ولي في القلب خبيه

وكونك ديما سياس
لا تحكي كلمة من تحت الراس
حتى تنقاص مع الحوايج البالية
ولا تحكي كلمة ماقلب
حتى تولي حديث لرايحة وجاية
وخلي كلمتك ديما فوق الراس
ومن تحكي احكي غير بالسياس
ولا تكونك احمق تنعاف
ولا تكونك طائر يتبعوك غير الخفاف
وكونك ظريف يذكروك الشفاف
الكلام عنذو قيمة
وعند الملوك والامارة
همة وتحزيمة

10\12\2019

القناة

شفت الدنيا قلبي وجعني
واحد فقير وواحد غاني
وواحد كسلان وفاضي
ولاخر يخبروك عليه الجباهي
عياته المزيرية
وخلاته قاع مشي لاهي
ما عارف واش يدير
وتلقاه ديما ساهي
يخمم في روحه
وحيد يعاني
يحسب في الايام
النهار عنده انتحار
والليل عنده دمار
ما يرقد كيف الناس
مرتاح وما يغمض عينيه
مقابل قاع النهار دواه
يتمنى لو كان الواد داه
ولا قعد يحسب في الايام
ويدور في راسه ذوك الهموم
ما عنده شكون يحكيه ويلقاه
الدنيا يا ناس ولات مال وجاه
مشي قلوب ووجوه
ولي خطاه رفيقه قتلاته
الوحدة وسيرتو الا وخر علي مولاه

ظلامت العيشة في عينيه
ولي في راسه ما عنده كفاه ينساه
قالك ناس زمان
خلي كتابك بيدك وقوم صلاحه
ومد يدك ديما للمولاه
تنورليك الحياه
وتنسى كل شيء حتى الماضي لي فات
وما تقول الدنيا شينه بصح
كي يكون معاك ربي ورضاه
خير من المال والجاه
الحياة يا ولد الناس طاعة
ولقمة وقناعة

15\12\2019

المرض

قالك مرض ساعة
وعلي فراش الطاعة
خير من الدنيا الخداعة
تضحكك اليوم
وتبكيلك غدوا
ولي ناسي المولا
يقعد ديما في راسه
كل ساعة مشكله
وخوي راسك
وما تقول ندير ديك
وديك
لا تلقى كل شيء
راح من بين يديك
واجعلك في كل خطوة
تبسيمة وخليك
متفائل لا تحمل على الخاطر
راح لي راح ولي جاك
ليه ارتاح
القدر ذاك بيد مولاك
مشي بيد العبد
الدنيا بين الساعة
والساعة تبديلة
خطرة مسكينة
وامراة زينة وخطرة

حياة رافدة سمها في

وسط المدينة

ومرض ليلة ولا

مرض ديما

يا ربي احفضنا وعافينا

وخليك ديما راضي علينا

19 /12/2019

اللّمة

وين راحت ذيك اللّمة
وين راحت ذيك التّبسّيمة
كل شيء راح مع الايام
لا خوال لا عمام
طار الحمام
وما بقى غير ريشو عند البيبان
والقرابة ما ولت عندها قيمة
كيما زمان
واكرام الضيف كيما قال الايمام
خلولها غير الاحترام
شيانت القلوب وغابت البنة
وكل واحد في ذو الايام
صاب روحه يستنى
يتبدل الحال
ولي راحتله الجدة
واش يقول , قاع الوقت في شدة
يستنى الضوء يبان
ويولي ذاك الدفء
وذاك الحنان والحكاية
والتقاليد تاع زمان

26\12\2019

الجماعة

الجماعة مع ناس للخير نكارة
تجارة فيها الخسارة
حكم عقلك يا تاجر
واعرف واش تختار
معادن الناس اسرار
فيهم المذهب من برا
بيان مسرار
والقلب عنده فارغ
يخلي لي يشوفه فيه يحتار
وفيهم لي فضة بيضة
مرا بيرق ومرا يسفار
بصح قلبه صافي
من الداخل وخالي من الاسرار
الدنيا يا باني ادم
سوق فيها الناس الاحرار
وفيها الاشرار
وفيها ولد الحلال
وفيها الغدار
وفيها الفشل وفيها الانتصار
و جماعة دقيقة مع وجوه رقيقة
تحكي الحقيقة
ولا جماعة ساعة مع وجوه خداعة
في كل دقيقة خطيئة

30\12\2019

